



UKA 2019/pkt. 145
30. september 2019

Aqqa Samuelson

Siusinaartumik pensionisiat pillugit Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2019-imeersoq. (Kalaallit Nunaanni, Danmarkimi Savalimmiunilu kommunit akornanni paasissutissanik paarlaasseqatigiittarneq, nuunnermi siusinaartumik pensionisianik qaammatini 12-ini attassiinnarnissaq, ingerlaannartumik qaffasinnerpaanik siusinaartumik pensionisianik pisartagaqalersitsineq)

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq).

Siusinaartumik pensionisiat pillugit Inatsisartut inatsisaata allangortinneqarnissaa pillugu Inuit Ataqatigiit imatut oqaaseqaateqassapput:

Siusinaartumik pensionisiat pillugit naalagaaffeqatigiinnerup iluani paasissutissanik paarlaasseqatigiittarnerup qaangiataaginnarneqartarsimanerata allangortinniarnera nuannaarutigaaqarput. Taamaattumik Inuit Ataqatigiinniit pingaartittorjuussuuarput, inuiaqatigiinni inoqatitta timimikkut eqqarsartaatsikkullu piginnaanikillimasut inuunermikkut pitsaasunik atugassaqtinneqarnerisa pitsanngortinneqarnissaat.

Siunnersuut siusinaartumik pensionisiallit atugarisaannut pingaartumik naalagaaffeqatigiinnerup iluani paasissutissanik paarlaasseqatigiittarnermut pingaaruteqarluinnartuuvoq.

Nunatsinni siusinaartumik pensionisiallit inuunerminni assigiinngitsorpassuartigut timimikkut eqqarsartaatsimikkullu piginnaasakinnerulersimasut isumassortariaqavissortullu nunatsinni Danmarkimi Savalimmiunilu, nunatsinniillu nuunnermi siusinaartumik pensionisiaqartut pillugit paasissutissanik paarlaasseqatigiittarnerup ullumikkornit pitsaanerulersinneqarnissaa peqataaffigissallutigu oqaatigissavarput.

Siusinaartumik pensionisiallit ulluinnarni atugarisaat aningaasatigullu pitsaasunik atugaqarnissaat partiit tamatta pingaartitarigipput qularutissaanngilaq. Taamaattumik maannakkut tamakkiullugu aamma siusinaartumik pensionisialinnut atugassarititaasut inatsisitigut nutaamik aaqqiissuteqarfiginiarneqarnerat partiit akimorluta isumaqatigiissutigisinnaagipput neriuutigaaqarput, siusinaartumik pensionisiaqarnikkut atugarisat tamanut naalagaaffeqatigiinnerup iluani pitsaanagerusumik inatsisitigut aaqqivigineqarnissaat Inuit Ataqatigiit tapersersorparput.

Ilaqtariinnut siusinaartumik pensionisialinnut nunatsinni Danmarkimut Savalimmiunulluunniit nuunnermi siusinaartumik pensionisiat pigiinnarneqarnissaat allaffissornikkut eqaatsumik aaqqissuunneqartariaqarpoq.

INUIT ATAQATIGIIT

Inatsisartuni



Pisariaqartuuvoq ilaqutariit aningaasaqarniarnerat eqqarsaatigalugu suut tamaasa isiginiarlugit periuseqarnissaq. Ilaqutariit oqimaatsorsioreertut isumassortariaqavissortullu nunatsinniit Danmarkimut Savalimmiunullu nuunnermi sapinngisamik pitsaanerpaamik atugassaqartinneqarlutik sullinneqartariaqarput allaffissornikkullu kinguarsarneqaratik. Tamanna maannakkut inatsisitigut qularnaarniarneqalermat Inuit Ataqatigiinniit nuannaarutigaarput.

Taamatut oqaaseqarluta siunnersuutip aappassaaneerneqannginnerani Ataatsimiititaliamut susassaqartumut ingerlateqqinneqarnissaa innersuupparput.